



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
KËSHILLI DREJTUES

Nr. 970/12 Prot.

Tiranë, më 23.10.2024

V E N D I M

Nr. 27, datë 23.10.2024

PËR

“MIRATIMIN E RINOVIMIT TË AUTORIZIMEVE INDIVIDUALE PËR PËRDORIMIN E FREKUENCAVE TË BREZIT 900 MHZ (SASI SPEKTRI 4 MHZ, I ÇIFTUAR) DHE BREZIT 1800 MHZ (SASI SPEKTRI PREJ 9 MHZ, I ÇIFTUAR), TË SIPËRMARRËSIT VODAFONE ALBANIA SH.A”

Këshilli Drejtues (KD) i Autoritetit të Komunikimeve Elektronike dhe Postare (AKEP), me pjesëmarrjen e:

Z.	Tomi Frashëri	Kryetar
Znj.	Edlira Dvorani	Anëtar
Z.	Lorenc Bako	Anëtar
Z.	Armer Juka	Anëtar
Z.	Bleron Dokle	Anëtar

dhe sekretare Znj. Evblina Taçi, në mbledhjen e datës 23.10.2024, sipas procedurës së përcaktuar në Ligjin nr. 9918, datë 19.05.2008, “Për Komunikimet Elektronike në Republikën e Shqipërisë” i ndryshuar, Rregullores së Brendshme të Funkcionimit të Këshillit Drejtues të AKEP miratuar me Vendimin nr. 7, datë 16.02.2017 të Këshillit Drejtues të AKEP, si dhe Ligjit nr.8480, datë 27.05.1999 “Për funksionimin e organeve kolegjiale të administratës shtetërore dhe enteve publike”, me propozim të Drejtorisë së Autorizimeve shqyrtoi kërkesën me objekt:

“Miratimin e rinovimit të autorizimeve individuale për përdorimin e frekuencave të brezit 900 MHz (sasi spektri 4 MHz, i çiftuar) dhe brezit 1800 MHz (sasi spektri prej 9 MHz, i çiftuar), të sipërmarrësit Vodafone Albania sh.a”.

BAZA LIGJORE:

1. Nenet 72 dhe 73, të Ligjit nr. 9918, datë 19.05.2008 “Për komunikimet elektronike në Republikën e Shqipërisë” i ndryshuar.
2. Ligji nr. 44/2015, “Kodi i Procedurave Administrative në Republikën e Shqipërisë”.
3. VKM nr. 496, datë 22/07/2014 “Për miratimin e rregullave e të procedurave të rinovimit të autorizimeve individuale për përdorimin e frekuencave të dhëna me konkurrim”.
4. VKM nr. 1187 datë 24.12.2020 “Për miratimin e Planit Kombëtar të Frekuencave”.

5. Vendim i Këshillit të Ministrave nr. 636 datë 29.7.2020 “Për miratimin e programit shumëvjeçar për politikën spektrale dhe të planit të veprimit”.
6. Vendim i Këshillit Drejtues të AKEP nr. 6 datë 31.03.2022 “Për miratimin e Planit të përdorimit të frekuencave”.
7. Rregullore nr. 30 datë 05.12.2013 “Për dhënien e Autorizimit Individual për përdorimin e frekuencave”.
8. VKD nr. 4 datë 25.05.2023 “Për pajisjen me autorizime individuale të sipërmarrësit Vodafone Albania sh.a, për përdorimin e frekuencave të brezave 900 MHz, 1800 MHz dhe 2100 MHz, për shkak të rishpërndarjes, me qëllim sigurimin e përdorimit eficient të këtyre frekuencave”, i ndryshuar me VKD nr. 11 dt. 12.10.2023.
9. VKD nr. 16 datë 25.06.2024 “Për shtyrjen e afatit të vlefshmërisë së Autorizimit Individual të sipërmarrësit Vodafone Albania sh.a, për përdorimin e frekuencave të brezit 900 MHz (sasi spektri prej 4 MHz, i çiftuar) dhe brezit 1800 MHz (sasi spektri 9 MHz, i çiftuar), deri në marrjen e njoftimit zyrtar nga MIE mbi përfundimin e procedurës së negocimit me sipërmarrësin Vodafone Albania sh.a.
10. Akti i Dakortësisë, paraqitur në AKEP nga Ministria e Infrastrukturës dhe Energjisë me shkresën nr. 970/9 prot. datë 17.09.2024.
11. Rregullore e Brendshme për “Funksionimin e Këshillit Drejtues të Autoritetit të Komunikimeve Elektronike dhe Postare”, miratuar me Vendimin nr. 7 datë 16.02.2017 të Këshillit Drejtues të AKEP.

KËSHILLI DREJTUES:

Nga shqyrtimi i materialit shkresor të përbërë si më poshtë:

1. Relacioni shoqërues i Projekt-Vendimit;
2. Projekt-Vendimi i formatuar dhe arsyetuar;
3. Dokumentacioni shoqërues.

V Ë R E N:

1. Me Vendimin nr. 745, datë 26.06.2009, Këshilli Drejtues i AKEP ka miratuar dhënien e Autorizimit individual ish sipërmarrësit Plus Communications sh.a, për përdorim të frekuencave të brezave 900 dhe 1800 MHz dhe ofrimin e rrjeteve dhe shërbimeve të komunikimeve elektronike (telefoni e lëvizshme) GSM në Republikën e Shqipërisë. Sasia e spektrit të alokuar ishte: 8 MHz (i çiftuar), në brezin 900 MHz dhe 9 MHz (i çiftuar), në brezin 1800 MHz.
2. Me Vendimin nr. 21, datë 01.12.2017, Këshilli Drejtues i AKEP ka miratuar dhënien e Autorizimeve Individuale sipërmarrësit Vodafone Albania sh.a, si rrjedhojë e përfundimit të procedurës së miratimit paraprak të transferimit të të drejtave të përdorimit të frekuencave të sipërmarrësit Plus Communication sh.a tek Vodafone Albania sh.a. Sipërmarrësi Plus Communication sh.a ka mbyllur rrjetin dhe shërbimet në 31.12.2017, ndërsa frekuencat e caktuara me këtë vendim, kanë filluar të përdoren nga Vodafone Albania sh.a, nga data 01.01.2018.
3. Me Vendimin nr. 4, datë 25.05.2023 Këshilli Drejtues i AKEP ka miratuar “Pajisjen me Autorizime Individuale të sipërmarrësit Vodafone Albania sh.a, për përdorimin e frekuencave të brezave 900 MHz, 1800 MHz dhe 2100 MHz, për shkak të rishpërndarjes, me qëllim sigurimin e përdorimit eficient të këtyre frekuencave”, i ndryshuar me VKD nr. 11, datë 12.10.2023. Pjesa e spektrit të ish Plus Communications sh.a, që mbetet tek sipërmarrësi

Vodafone Albania sh.,a përbëhej nga një sasi spektri prej 4 MHz (i çiftuar), në brezin 900 MHz dhe një sasi spektri prej 9 MHz (i çiftuar), në brezin 1800 MHz.

4. Me shkresën nr. 970/1 prot., datë 24.05.2024, sipërmarrësi Vodafone Albania sh.a, ka paraqitur aplikim për rinovimin e Autorizimeve Individuale për sasinë prej 4 MHz në brezin e frekuencave 900 MHz dhe sasinë 9 MHz në brezin e frekuencave 1800 MHz.
5. Me Vendimin nr. 14 datë 18.06.2024, Këshilli Drejtues i AKEP ka miratuar Raportin Përmbledhës të vlerësimit mbi përmeshjen e të gjitha kushteve të përdorimit të frekuencave të brezit 900 MHz dhe 1800 MHz, nga sipërmarrësi Vodafone Albania sh.a, shoqëruar me propozimin për çmimin referencë minimal për rinovimin e Autorizimit Individual.
6. Me Vendimin nr. 16 datë 25.06.2024 Këshilli Drejtues i AKEP ka miratuar shtyrjen e afatit të vlefshmërisë së Autorizimit Individual të sipërmarrësit Vodafone Albania sh.a, për përdorimin e frekuencave të brezit 900 MHz (sasi spektri 4 MHz, i çiftuar) dhe brezit 1800 MHz (sasi spektri prej 9 MHz, i çiftuar), miratuar me VKD nr. 4 datë 25.05.2023 i ndryshuar, deri në marrjen e njoftimit zyrtar nga MIE mbi përfundimin e procedurës së negociimit me sipërmarrësin Vodafone Albania sh.a, në përputhje me parashikimet e VKM nr. 496/2014, i ndryshuar.
7. Ministri i Infrastrukturës dhe Energjisë me Urdhrin nr. 151 datë 17.07.2024 ka ngritur Komisionin ad-hoc të Negocimit për rinovimin e Autorizimit Individual të sipërmarrësit Vodafone Albania sh.a. Akti i dakordësisë ka përcaktuar çmimin e rinovimit të autorizimit individual dhe disa kushte për sigurimin e mbulimit dhe cilësinë e shërbimit. Afati i vlefshmërisë së autorizimit të ri individual do të jetë 15 vite, duke filluar nga data e përfundimit të afatit të mëparshëm të autorizimit individual.
8. Me shkresën nr. 970/9 prot. datë 17.09.2024, Ministria e Infrastrukturës dhe Energjisë ka paraqitur në AKEP, Akti i Dakordësisë midis Komisionit ad hoc të Negocimit dhe sipërmarrësit Vodafone Albania sh.a.
9. Sipërmarrësi Vodafone Albania sh.a, ka paraqitur në AKEP dokumentin bankar nr. 41833534 datë 09.10.2024, për shlyerjen e pagesës së rinovimit të autorizimit individual në buxhetin e shtetit, me një këst (100%), në vlerën 8 031 589 (tetë milion e tridhjetë e një mijë e pesëqind e tetëdhjetë e nëntë) Euro, e përcaktuar në Aktin e Dakordësisë.

PËR KËTO ARSYE:

Në mbështetje të pikës 1, neni 114 dhe pikës 1, të nenit 115, të Ligjit nr. 9918, datë 19.05.2008, "Për komunikimet elektronike në Republikën e Shqipërisë" i ndryshuar, pikës 1, të nenit 112, të Ligjit nr. 44/2015 "Kodi i procedurave administrative i Republikës së Shqipërisë" dhe Ligjin nr. 8480, datë 27.05.1999 "Për funksionimin e organeve kolegjiale të administratës shtetërore dhe enteve publike", bazës ligjore dhe dokumentacionit të sipërcituar, si dhe duke marrë në konsideratë rëndësinë që paraqet miratimi i këtij vendimi, Këshilli Drejtues i AKEP;

V E N D O S I:

1. Të miratojë rinovimin e Autorizimit Individual për përdorimin e frekuencave të brezit 900 MHz (sasi spektri 4 MHz, i çiftuar), të sipërmarrësit Vodafone Albania sh.a, sipas dokumentit bashkëlidhur.

2. Të miratojë rinovimin e Autorizimit Individual për përdorimin e frekuencave të brezit 1800 MHz (sasi spektri prej 9 MHz, i çiftuar), të sipërmarrësit Vodafone Albania sh.a, sipas dokumentit bashkëlidhur.
3. Autorizimet Individuale të brezave 900 MHz dhe 1800 MHz, të miratuara me VKD nr. 4, datë 25.05.2023 “Për pajisjen me autorizime individuale të sipërmarrësit Vodafone Albania sh.a, për përdorimin e frekuencave të brezave 900 MHz, 1800 MHz dhe 2100 MHz, për shkak të rishpërndarjes, me qëllim sigurimin e përdorimit eficient të këtyre frekuencave”, i ndryshuar me VKD nr. 11 datë 12.10.2023, zëvendësohen me Autorizimet Individuale sipas pikave 1 dhe 2, të këtij vendimi.
4. Ky vendim publikohet në faqen e internetit të AKEP, www.akep.al.

Ky vendim hyn në fuqi menjëherë.

Kryetar

Tomi Frashëri



Anëtar

Edlira Dvorani



Anëtar

Lorenc Bako



Anëtar

Armer Juka



Anëtar

Bleron Dokle

